

# INUIT ATAQATIGIIT

## INATSISARTUNI



Nuuk, 17. maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.  
(Inatsisartuni ilaasortaq Naaja H. Nathanielsen, Inuit Ataqatigiit)

### Apeqqutit:

- 1) **Immikkut ilisimasallit nunarsuarmi aatsitassat akikilliertuaarnerannik nalunaarnerat Naalakkersuisut isumaqatigaat? Uani akissutaaginnarsinnaavoq immikkut ilisimasalinnut isumaqataaneq isumaqataannginnerluunniit<sup>1</sup>.**
- 2) **Misissuineq suna januarimi saqqummersoq tunngaviua Inuussutissarsiornermut, Aatsitassaqaqarnermullu Naalakkersuisup aatsitassarsiorfiit 2025 tikillugu nunarsuarmit aatsitassaanik piumasaqarneranut naam-massinnaannngitsutut oqarneranut? Misissuineq kiap suliaraa, qan-galu saqqummersinneqarpa<sup>2</sup>?**

### Tunngavilersuut:

Maluginiarsimavara Inuussutissarsiornermut Aatsitassaqaqarnermullu Naalakkersuisup aam-malu Aningaasaqarnermut Naalakkersuisup aatsitassarsiornerup tunngatigut Nunatta siu-nissami isumalluarnartumik inissisimamara assigiinngitsunik isumaqarfigigaat. Aningaasaqarnermut Naalakkersuisup oqaatigaa ilimagisamininngaanniit Nunatta aningaa-saqarnera erloqinarnerusumik inissisimasoq, kiisalu aatsitassarsiornermi isertitaasussat ingerlatiinnaq pissarsiarineqarnaviannngitsut. Taamaakkaluartorli Inuussutissarsiornermut, Aatsitassaqaqarnermullu Naalakkersuisoq unnerpoq siunissamut isumalluarluni KNR radioavii-simi apersorneqarnermini imak oqarami:

*"Nunarsuarmi inoqassutsikkut ineriartornermi Kinami Indiamilu aningaasarsiornerit alliertortut kingunerissavaat aatsitassanik piumanerup ukiuni amerlasuuni alliertuin-navinnissaa. Misissuinerup januarimi takusama takutippaa 2025 tikillugu aatsitassarsior-tut aatsitassanik piumasaqarnermut malinnaasinnaannngitsut"*

Aatsitassarsiornermut Ataatsisiititaliap sapaatip akunnerani kingullermi isumasioqatigiin-nerani arlaleriarluni saqqummiunneqarpoq aatsitassarsiorneq unikaallakkiartortoq suliffe-qarfiillu arlallit suliniutinut aningaasanik pissarsiniarnerminni ajornartorsiuleraluttuin-nartut. Tamanna tunngavigalugu soqutiginarpoq misissuineq allamik ersersitsisoq atuassal-lugu.

Ullut suliffiusut qulit qaangiutinginneranni apeqqutip akineqarnissaa qinnutigissavara.

<sup>1</sup> <http://www.knr.gl/da/nyheder/naalakkersuisoq-r%C3%A5stoffer-er-optimistisk> og <http://www.knr.gl/da/nyheder/gr%C3%B8nland-skal-effektiviseres>

<sup>2</sup> <http://www.knr.gl/da/nyheder/naalakkersuisoq-r%C3%A5stoffer-er-optimistisk>